

Na osnovu člana 16. stav 4 Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) i člana 20. Odluke o osnivanju Javne ustanove Centar za djecu i odrasle osobe s posebnim potrebama Zeničko-dobojskog kantona („Službene novine Zeničko-dobojskog kantona“, broj 4/14), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 197. sjednici, održanoj dana 23.12.2014. godine, d o n o s i

## ZAKLJUČAK

### I.

Daje se saglasnost na Statut broj: 05-1 od 11.12.2014. godine Javne ustanove Centar za djecu i odrasle osobe s posebnim potrebama Zeničko-dobojskog kantona, koji je donio Upravni odbor Ustanove.

### II.

Statut iz tačke I. ovog zaključka biti će objavljen u „Službenim novinama Zeničko-dobojskog kantona“.

### III.

Zaključak stupa na snagu danom donošenja.

Broj: 02-\_\_\_\_\_ /14.

Datum, 23.12.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za rad, socijalnu politiku i izbjeglice,

1x JU Centar za djecu i odrasle s posebnim potrebama

Zeničko-dobojskog kantona, (putem Ministarstva),

1x Upravni odbor Ustanove (putem Ministarstva),

1x Službene novine Zeničko-dobojskog kantona,

1x a/a.

Na osnovu člana 27. Zakona o ustanovama („Službeni list RBiH“, broj 6/92, 8/93 i 13/94) i člana 15. Odluke o osnivanju Javne ustanove „Centar za djecu i odrasle osobe s posebnim potrebama“ Zeničko-dobojskog kantona br. 01-05-16268/14, od 18.08.2014. godine Upravni odbor na drugoj sjednici, održanoj 11.12.2014. godine donosi:

## **STATUT**

### **Javne Ustanove „ Centar za djecu i odrasle osobe s posebnim potrebama“**

#### **Zeničko-dobojskog kantona**

#### **I OSNOVNE ODREDBE**

##### **Član 1.**

Ovim Statutom uređuju se pitanja od značaja za rad Javne ustanove „Centar za djecu i odrasle osobe s posebnim potrebama“ Zeničko-dobojskog kantona ( u daljem tekstu : Ustanova) , a naročito : naziv i sjedište ustanove, osnivač, obaveze ustanove prema osnivaču, djelatnost ustanove, način i uslovi obavljanja djelatnosti, odnos prema korisnicima usluga, statusne promjene, imenovanje i razrješavanje direktora i drugih organa ustanove koji imaju prava, obaveze i odgovornosti, uslovi i način njihovog izbora i razrješnja, opći akti koji se donose u Ustanovi i način njihovog donošenja, način ostvarivanja javnosti rada i druge odredbe od značaja za rad ustanove i za ostvarivanje prava, obaveza i odgovornosti zaposlenika Ustanove, te druga pitanja utvrđena zakonom.

##### **Član 2.**

(1) Ustanova je osnovana Odlukom Skupštine Zeničko-dobojskog kantona broj 01-05-16268/14, od 18.08.2014. godine.

(2) Obaveze Ustanove prema osnivaču uređuju se zakonom, podzakonskim aktima, aktima osnivača, Statutom i drugim općim aktima.

(3) Ustanova je obavezna Ministarstvu za rad, socijalnu politiku i izbjeglice ZDK dostavljati izvještaje o poslovanju, godišnje planove, odnosno programe rada i druge akte od značaja za djelatnost Ustanove.

##### **Član 3.**

(1) JU Centar za djecu i odrasle osobe s posebnim potrebama Zeničko-dobojskog kantona ima svojstvo pravnog lica i upisuje se u sudski registar.

(2) Ustanova iz stava (1) ovog člana je javna ustanova u državnoj svojini.

#### **II NAZIV, SJEDIŠTE I PEČAT USTANOVE**

##### **Član 4.**

(1) Ustanova posluje pod nazivom Javna ustanova „Centar za djecu i odrasle osobe s posebnim potrebama“ Zeničko-dobojskog kantona.

(2) Skraćeni naziv ustanove je: Centar za osobe s posebnim potrebama

(3) Sjedište Ustanove je : ul. Saliha Cakana Mulalića 5, Zenica.

#### **Član 5.**

(1) Ustanova ima svoj pečat i štambilj.

(2) Pečat je okruglog oblika i izrađuje se u dvije veličine, veliki prečnika 30 mm i mali prečnika 20 mm.

(3) Štambilj je pravougaonog oblika veličine 55x10mm.

(4) Na pečatima i štambilju je tekst : Javna ustanova „ Centar za djecu i odrasle osobe s posebnim potrebama“ Zeničko-dobojskog kantona

#### **Član 6.**

Posebnim aktom Upravnog odbora bliže se utvrđuje broj pečata i štambilja, njihova upotreba, čuvanje i uništavanje.

### **III DJELATNOST, SREDSTVA I ODNOSI SA KORISNICIMA**

#### **Član 7.**

Djelatnost Ustanove je prema Odluci o klasifikaciji djelatnosti Bosne i Hercegovine („Službeni glasnik BiH,“ broj 47/10, je:

-88.91- djelatnost dnevne brige o djeci,

-88.99- ostale djelatnosti socijalne zaštite bez smještaja,

-88.10- djelatnosti socijalne zaštite bez smještaja za starije osobe i osobe sa invaliditetom,

-86.90- ostale djelatnosti zdravstvene zaštite,

-85.59- ostalo obrazovanje i poučavanje,

-87.90- ostale djelatnosti socijalne zaštite u ustanovama sa smještajem.

#### **Član 8.**

Ciljevi i zadaci radi kojih se osniva Ustanova su izgradnja ličnog identiteta, socijalna integracija, izgradnja kompetencija od životnog značaja, priprema za život djece i mladih s posebnim potrebama kroz individualne i grupne rehabilitacijske i podsticajne mjere, kako je to propisano Odlukom o osnivanju Ustanove.

#### **Član 9.**

Osnovni kapital Ustanove u visini od 49.250,00 KM osiguran je iz Budžeta Zeničko-dobojskog kantona.

Sredstva za rad Ustanove obezbjeđuju se iz Budžeta Osnivača i po osnovu ugovora sa općinama o učešću u pokriću dijela ili ukupnih troškova usluga Ustanove, te drugih izvora.

### **IV ORGANIZACIJA**

## **Član 10.**

Unutrašnjom organizacijom se obezbjeđuju uslovi za kvalitetno, zakonito, cjelishodno, ažurno i efikasno obavljanje djelatnosti Ustanove.

Bliže odredbe o unutrašnjoj organizaciji i sistematizaciji JU „Centar za djecu i odrasle osobe s posebnim potrebama „ će se uredit posebnim općim aktom.

## **V STATUSNE PROMJENE**

### **Član 11.**

Odluku o osnivanju poslovnih jedinica donosi Upravni odbor Ustanove uz suglasnost Vlade Zeničko-dobojskog kantona.

## **VI ORGANI USTANOVE**

### **1. Upravni odbor**

#### **Član 12.**

(1) Organ upravljanja Ustanove je Upravni odbor.

(2) Upravni odbor ima pet članova, koji se biraju sa liste prijavljenih kandidata na javni oglas i čine ga predstavnici Osnivača-dva člana, zaposlenik Ustanove- jedan član, zaposlenik JU centar za socijalni rad/nadležne općinske službe za socijalnu zaštitu sa područja Zeničko-dobojskog kantona- jedan član, te predstavnik iz reda roditelja/staratelja djece ili odraslih osoba s posebnim potrebama- jedan član.

(3) Predsjednika i članove Upravnog odbora imenuje Vlada Zeničko-dobojskog kantona na period od četiri (4) godine uz mogućnost ponovnog imenovanja.

#### **Član 13.**

(1) Upravni odbor donosi : statut javne ustanove, imenuje i razrješava direktora uz saglasnost Vlade, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova, i druge opće akte u skladu sa zakonom i statutom Ustanove , odlučuje o svim pitanjima obavljanja djelatnosti radi kojih je Ustanova osnovana, usmjerava, kontroliše, ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima Ustanove, osnivaču najmanje jednom godišnje podnosi izvještaj o poslovanju Ustanove ,vrši i druge poslove u skladu sa Zakonom i Statutom JU „Centar za djecu i odrasle osobe s posebnim potrebama,,

(2) Upravni odbor donosi odluke većinom glasova svih članova ako zakonom u pojedinim pitanjima nije određena druga kvalifikovana većina.

### **2. Direktor**

#### **Član 14.**

(1) Direktor je organ rukovođenja JU „Centar za djecu i odrasle osobe s posebnim potrebama „ Zeničko-dobojskog kantona.

(2) Ako se ne izvrši imenovanje direktora Ustanove Upravni odbor imenuje vršioca dužnosti direktora iz reda zaposlenika JU „Centar za djecu i odrasle osobe s posebnim potrebama.“

#### **Član 15.**

Za direktora JU „Centar za djecu i odrasle osobe s posebnim potrebama „ može biti imenovano lice koje pored općih uslova utvrđenih zakonom :

- ima univerzitetsku diplomu društvenog smjera, odnosno visoku stručnu spremu,
- da ima najmanje pet (5) godina radnog iskustva, a najmanje tri (3) godine iskustva na rukovodećim poslovima
- posjeduje smisao za komunikaciju, te organizaciju rada u smislu osiguranja uspješnog rukovođenja.

#### **Član 16.**

(1) Direktora Ustanove, nakon objavljenog konkursa u sredstvima javnog informisanja, imenuje Upravni odbor, uz saglasnost Vlade Zeničko-dobojskog kantona, na period od četiri (4) godine uz mogućnost ponovnog imenovanja.

(2) Konkurs sprovodi konkursna komisija od pet članova koju imenuje Upravni odbor. Konkurs za imenovanje direktora raspisuje se najmanje dva mjeseca prije isteka mandata postojećem direktoru.

(3) Rok za podnošenje prijave na konkurs ne može biti kraći od 15 niti duži od 30 dana računajući od dana zadnjeg objavljivanja.

(4) Upravni odbor utvrđuje rok za podnošenje prijave i sredstava javnog informisanja u kome će konkurs biti objavljen. U konkursu moraju biti navedeni opći i posebni uslovi za imenovanje direktora.

#### **Član 17.**

(1) Direktor organizuje i rukovodi radom Ustanove, zastupa i predstavlja Ustanovu trećim licima i odgovoran je za zakonitost rada. U ostvarivanju rukovođenja Ustanovom direktor predlaže Upravnom odboru mjere za efikasno i zakonito obavljanje djelatnosti radi kojih je ustanova osnovana, unutrašnju organizaciju, sistematizaciju poslova i osnove planova rada i razvoja, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o finansijskom poslovanju, i vrši druge poslove u skladu sa zakonom, pravilima i statutom Ustanove.

(2) Direktor Ustanove može pismenim punomoćjem svoja ovlaštenja za zastupanje i predstavljanje Ustanove prenositi na druge radnike u okviru svojih prava i dužnosti.

#### **Član 18.**

(1) Upravni odbor može razrješiti direktora prije vremena za koje je imenovan:

- ako utvrdi da je odgovoran za neuspješan ili nezakonit rad Ustanove,
- na lični zahtjev direktora,
- u drugim slučajevima propisanim zakonom i Statutom.

(2) Prijedlog za prijevremeno razrješenje direktora iz razloga iz alineje 1.stav 1. ovog člana može dati osnivač, odnosno Vlada Zeničko-dobojskog kantona, predsjednik, odnosno član Upravnog odbora ili Nadzorni odbor.

#### **Član 19.**

Po završenom konkursu Konkursna komisija podnosi pismeni izvještaj Upravnom odboru sa prijedlogom kandidata.

#### **Član 20.**

(1) Ako se na konkurs ne prijavi kandidat koji ispunjava propisane uslove raspisuje se novi konkurs.

(2) Novi konkurs raspisuje se i kada nijedan od kandidata koji ispunjavaju propisane uslove ne bude izabran, te u slučaju kada izabrani kandidat ne stupi na dužnost u roku utvrđenom odlukom o izboru.

(3) Ako se i na ponovljeni konkurs ne prijavi kandidat koji ispunjava propisane uslove kao i kada direktor ne bude imenovan u roku od 60 dana od dana isteka konkursnog roka Upravni odbor postavlja vršioca dužnosti direktora najduže na period od 6 mjeseci

#### **Član 21.**

O odluci o imenovanju direktora obavještava se svaki učesnik konkursa.

#### **Član 22.**

Direktor je samostalan u radu u okviru prava i dužnosti utvrđenih opštim propisima i aktima JU „Centar za djecu i odrasle osobe s posebnim potrebama „.

#### **Nadzorni odbor**

#### **Član 23.**

(1) Nadzorni odbor Ustanove je organ kontrole poslovanja Javne ustanove.

(2) Nadzorni odbor ima 3 člana od kojih se jedan imenuje iz reda zaposlenih dok se preostali članovi biraju sa liste ostalih prijavljenih kandidata na javni oglas.

(3) Predsjednika člana Nadzornog odbora imenuje Vlada Zeničko-dobojskog kantona .

#### **Član 24.**

Nadzorni odbor:

- analizira izvještaj o poslovanju JU „Centar za djecu i odrasle osobe s posebnim potrebama „,
- obavlja nadzor nad upotrebom sredstava za rad,

- pregleda godišnji izvještaj o poslovanju i godišnji obračun,
- pregleda i provjerava urednost i zakonitost vođenja poslovnih knjiga,
- izvještava osnivača, Upravni odbor i direktora o rezultatima nadzora.

#### **Član 25.**

Nadzor nad zakonitošću rada Ustanove vrši Ministarstvo za rad, socijalnu politiku i izbjeglice Zeničko-dobojskog kantona, ako zakonom nije drugačije određeno.

### **VII OPĆI AKTI**

#### **Član 26.**

Osim Statuta kao općeg akta Ustanova donosi i druge opće akte od značaja za organizaciju rada i sistematizaciju radnih mjesta, plaće zaposlenika, radne odnose, odnosno prava i obaveze zaposlenika, procedure prijema i otpusta korisnika usluga, etičke kodekse zaposlenika i druge akte od ukupnog značaja za uspješan rad Ustanove

### **VII ODNOS PREMA KORISNICIMA**

#### **Član 27.**

Odnosi sa korisnicima usluga ustanove uspostavljat će se na način i pod uslovima utvrđenim općim propisima, ugovorima i dobrim poslovnim običajima.

#### **Član 28.**

Javna ustanova „Centar za djecu i odrasle osobe s posebnim potrebama“ Zeničko-dobojskog kantona obavezna je, u procesu preuzimanja upravljanja, usvojiti organizaciju rada, tehnike i tehnologiju rada, rukovođenje, kriterijume, mjerila i normative rada, te uspostavljene standarde, u postojećim Centrima za dnevni boravak, podsticanje razvoja i ranu intervenciju i odrasle osobe s posebnim potrebama koji egzistiraju i djeluju na području Zeničko-dobojskog kantona, u suradnji sa Ministarstvom za rad, socijalnu politiku i izbjeglice Zeničko-dobojskog kantona.

### **IX JAVNOST RADA**

#### **Član 29**

(1) Javnost rada Ustanove ostvaruje se:

- obavještavanjem javnosti, prema potrebi o bitnim pitanjima rada ustanove, uslovima i rezultatima poslovanja, teškoćama u radu, te drugim pitanjima,
- podnošenjem izvještaja o radu Ministarstvu i Vladi,
- prema potrebi organizovanjem konferencija za sredstva informisanja i davanjem saopštenja,
- oglašavanje Statuta i drugih općih akata Ustanove na oglasnim pločama,

(2) Upravni odbor može utvrditi druge oblike obavještavanja javnosti rada.

(3) Direktor Ustanove odlučuje i o drugim oblicima javnosti rada imajući u vidu potrebu zaštite određenih poslovnih, ličnih i drugih podataka shodno zakonu.

#### **X PROFESIONALNA TAJNA**

##### **Član 30.**

Profesionalnom tajnom smatraju se podaci o osobnom ili porodičnom životu korisnika usluga Ustanove i drugih osoba koji su poznati zaposlenicima Ustanove u obavljanju njihovih poslova, a čije bi neovlašteno priopćavanje moglo štetiti interesima osobe na koje se podatak odnosi.

#### **XI PRELAZNE ODREDBE**

##### **Član 31.**

Izmjene i dopune Statuta JU „Centar za djecu i odrasle osobe s posebnim potrebama „ vrše se na način i po postupku propisanom za njihovo donošenje.

#### **XII ZAVRŠNE ODREDBE**

##### **Član 32.**

Ovaj Statut stupa na snagu danom dobivanja saglasnosti od strane Vlade Zeničko-dobojskog kantona i bit će objavljen u „Službenim nivinama Zeničko-dobojskog kantona“

Broj :05-1

Predsjednik Upravnog odbora

Datum: 11.12.2014.godine

Goran Bulajić